

Clifford Rosa di Stichting Rancho

Hasta bisiñanan banda di e forno di calki ta envolvi den e proyecto di limpieza



ORANJESTAD - Fundacion Rancho ta ocupa cu un proyecto pa asina tene e forno di calki limpi. Esaki no solamente pa e bista turistico cu tin den e ciudad, pero pa mantene e herencia cultural na halto den e barío aki. Cu e proyecto aki en principio pa e habitantenan tabata un alivio cu algo a wordo haci y nan tur ta coopera mainta tempran nan a manda busca refresco mirando cu hende tabata trahando den e vecindario. Por mira cu e bisiñanan tur ta biba cu e proyecto aki. bisiñanan tambe lo bay contribui mas den e proyecto aki. Esey ta e intencion tambe di Fundacion Rancho. Pa e hendenan ta mas motiva pa nan

mes por haci hopi mas cos cu e barío, segun Clifford Rosa di e fundacion.

UN TRABAO GRANDI

Pa por compronde e trabao pa yega na haci limpieza mes tabata un trabao basta grandi. Ta hopi pensamiento y papiamento, pero a logra cu a cuminsa haci limpi. Con e lo bay wordo manteni, tin cu bay wak ainda den un futuro cercano, segun Sr. Rosa.

UN LUGA TURISTICO


En principio e lugá ta uno turistico caba. Esey no por kita afo. Mirando cu e sushedad cu tin si kier a trata di haci un limpieza pa e barío di Rancho pa e ta un tiki mas limpi. Mirando cu na december tabata tin algun estudiante cu a bin

di Hulanda, cu a traha hunto den e barío tambe, nan a haci un proyecto y esaki tabata mas concentra riba e hanchi-nan. Hopi hende lo bay corda e hanchi cu tin banda di e forno di calki cu hopi tabata transito memey di dje. Tin mas hanchi den Rancho cu ta pidi atencion. Mirando cu a haci un proyecto tambe pa mira cu e hanchi nan ey tin balor, ta mira cu tin poco perla den rancho cu mester por haci uzo di dje.

INSPECCION

Fundacion Rancho, for di 2010 caba a puntra Monumentenfonds con lo bay haci cu e forno, mirando cu e forno ta pertenece na e Monumentenfonds. Pa nan por restaur'e of drech'e, nan tambe kier mira con e área lo por desaroya positivo, esta e limpieza y locual cu tin rond di e forno. E fundacion kier a desea di yega na e boca di e entrada di e forno pa asina ey e inspeccion por wordo miho haci.

Desde awor padilanti lo bay haci inspeccion riba e forno pa wak su estado cone ta y si e por wordo restaura den su forma original cu ta posibel y mira kico por haci den futuro cu e forno, mirando cu e ta



algo unico den Caribe.

HISTORIA

E parti monumental y historico, pa Fundacion Rancho, e ta algo hopi importante, mirando cu ta e logo di e fundacion. Pero e ta den

bista di tur turista. Turistanan crucero, esunnan cu ta biaha cu avion. E fogon ta patras di Museo Arkeologico. E stapnan aki ta den combinacion pa mehoracion di full e área di rancho. □